

《唯識三十頌直解》 補充講表

◎附表十七：

○由諸業習氣，二取習氣俱，前異熟既盡，復生餘異熟。

※《成唯識論》卷八云：「復次生死相續，由內因緣，不待外緣，故唯有識。因：謂有漏、

無漏二業，正感（分段、變易二種）生死，故說為因。緣：謂

煩惱、所知二障，助感（分段、變易二種）生死，故說為緣。」

*《成唯識論》卷八指出二種生死：（以下糅合《佛光大辭典》）

◆分段生死：分是分段，指壽命有長短。段是形段，指身量有大小。乃以有漏之善惡業

為因，煩惱障為緣，將受三界內之粗報：如壽命之長短、身量之大小等。

◆變易生死：又稱不思議變易生死。阿羅漢、辟支佛、大力菩薩等雖不受分段生死之


輪迴，但以無漏之有分別業為因，所知障為緣，於界外（即三界以外）受殊勝

微妙果報之身，即受意生身，再以此身來三界內修菩薩行，以至成佛果。其所受之身，因悲願力之故，壽命、肉體皆可自由變化改易，而無一定之限制。

○由諸業習氣，二取習氣俱，（由：因也，正感生死相續之因。習氣：種子也。）

※《成唯識論》卷八云：「頌中所言諸業習氣，即前所說（有漏無漏）二業種子。二取習氣，

即前所說（煩惱、所知）二障種子，俱執著故，（名之為取。）」



○前異熟既盡，復生餘異熟。◆復生：又能另外生起。

※《成唯識論》卷八云：「前異熟者：謂前（一生乃至）前（百千）生（中）業（力所感）

異熟（之）果。」◆既盡：果報已經受用終止之時。

◆餘異熟者：「謂（感）後（一生乃至感）後（百千）生業（力之）異熟果。」

※《成唯識論觀心法要》卷七云：「如因戒善，今報人天；若不更修，報盡則墮等。」

○三種意生身※《佛性論》：無明住地為緣，微細妄想所起無漏業為因，得起三種意生身。

◆「意生身」乃初地以上菩薩，為濟度眾生，依意所化生之身，非父母所生之身也。

※《楞伽經》卷第三云：「佛告大慧：『有三種意生身。云何為三？所謂三昧樂正受意生身，

覺法自性性意生身，種類俱生無行作意生身。』」

※《楞伽經義記》卷第三云：「意生身通於佛及菩薩。三種身相之第一種，初地至七地可

得；第二、八至十地可得；第三、唯佛獨有。」

○戊三、釋違經三性難（以下糅合江味農居士《金剛經講義》）

◆何謂三性？（一）徧計（所）執性，（二）依他起性，（三）圓成實性。

＊徧計執性：謂普徧計較執著也。即性宗常說之分別、執著、攀緣、無明、妄心、妄想等。

性宗亦謂之分別性。此是妄想，云何稱之為性耶？意在明其雖是無明妄想，然為真心

之所變現，非離真實性而別有也。但相宗名為徧計執性，是單約凡位說；性宗名曰：分別性，則兼約凡聖說。聖位之分別性，是明其應緣示現，對機說法，絲毫不爽。似有分別，蓋約眾生邊，望之云然耳，非謂聖位尚起念分別也，當如是知。

***依他起性：**即性宗所說之緣起、緣生、性起，此正本性隨緣現起之相用。相用原不離乎性體，若無性體，便無相用，故曰：依他起性。依者，隨也。他，指眾緣也。

※《成唯識論觀心法要》卷七云：「染分依他，因緣所生六凡法也。淨分依他，因緣所生四聖法也。六凡諸法，既已一一即空假中；四聖諸法，何獨不然！故曰：十界無非即空假中。」

***圓成實性：**圓：謂圓滿。成：謂本具。圓成二字，約體說，明其本來圓滿具足，非造作法。亦兼約相用說，謂相用為體所本具，淨德圓滿也。實，即真實。此即性宗常說之法界、真如、如如、真心、實相、圓覺、自性清淨心等，其名無量。性宗亦謂之真實性也。